

KindyLinQ

Mozá, maana, kéla miyal arde cikibár secón okkol ase jonóm oité – 3.5 bosorí fuaindór arde hitarár femilir lá.

KindyLinQ uggwá maana kéla-miyal diya furugrám zeçe niki playgrup formeth goriyoré femili arde fuaindór la salá zibat kindergarten ór age curur ikkar bosor ót zaibode hitara saile hazir oí faribo.

Eí furugrám hiba KindyLinQ ór jam goroyyá okkole sala arde heafazot ase fán goriyoré, femilir manucor la ekkadá gom lage faán milizuli mozaar sánté cikibár hendillá zagá banaí dé.

Eí furugrám hiba eskool ór comót solé. Corík oiba ki no oibá yáan zár zár moncá arde femilir bekkuné hamicá hitarar fuaindóre loi hazir oí thaké. Zagá mozín dín arde comó bec hóm oí thaké.

KindyLinQ ór secon híin or furugrám arde prektis okkol saboot-dorá hisabé banaiyé, zeçe niki Early Years Learning Framework go lai yá asé.

Femlili arde fuaindór lá cuída ókkol.

Fuaindóre torkí goribar arde cikibár foribec baianite háas goriyore femilir manuce ekkáda dóor asor rakhi faré. Eí furugrám hiba gorot cikibár babote modot faiballá femiliré KindyLinQ ye rassá dehai diyore modot gori thake.

Eí furugrám hibaye fuaindóre cikibar, torkí arde milmicór babote curúr hikkár bosorot Kindergarten zaibár agottú modot gori thake.

KindyLinQ ye femiliré mactor okkolor fúañti fonná foribár toriká mozin milizuli femilir manucor la, asán goriyré cikái di thake.

Eí furugrám hibát gór, eskol, gurá fuaindór sarvis arde femilir manucorlá becábécé modot okkol toyyári gorí dé.

Kélaíte kélaíte cikoón

KindyLinQ hibá uggá playgroop ór modél hisabe banaiyé.

KindyLinQ ót, fuaindé hatéholomé ciké zeçe niki uggwá elomdáar dhóñor manuce dehái dé arde modot goré. Fuaindé endillá modot okkol cikibó zeçe niki hitará nizoré ya ardé samnór dinor cikibár heçe modot gorí faribóde comazór manucor loí milazulá gorite, hitarár mon arde zubán torki gorité zéen goriyore niki hitara arekzonór fúañti kulamelár sánté hitarár buddí ar zorurót loi matíbulí fare.

KindyLinQ yé kobul gorá ase dé hendillá Kindergarten or fúañti talukát gorái dé.

KindyLinQ faibádé hendillá zagár furassáp lis okkol sóo eçe **Early Childhood Education and Care** websaith arde tuañr zagá lo.